

四庫全書

集部

欽定四庫全書

文端集卷十三

大學士張英撰

存誠堂詩集九

近體詩一百十四首

送李覺嶺先輩山居四首

自有巖栖志於今幾十年
青山畱隱逸白首到林泉
書卷移家易松雲隔嶺偏
寒宵風雪後清興與誰傳

公麟堪住處隨地是龍眠山色宜朝暮梅花老歲年抱
琴溪竹裏伴客小谿邊為報春煙起呼童學種田

莫更嗟塵網勞勞始放閒松根容歎傲筇杖任躋攀徑
小都橫石籬疎好看山夕陽花外落手自閉柴關

但得佳山水何妨婚嫁身寒衣新布衲野服舊紗巾米
藥邀隣叟尋蘭贈故人門前松色老百尺見龍鱗

信臣牧五讀書山中詩以懷之

不待梅花盡應知不肯還抱書隨暝日發墨寫寒山沽

酒煙邛外懸
鐙竹鳴間好
同何次道辛
苦閉柴關

過霜鶴昆弟龍眠山莊五首

谷口龍眠路
沿谿老樹中
稻田新漲合
花嶼小橋通
結屋依層翠
編籬覆落紅
往來城市近
沽酒屬樵童

谿館樺蕪後
誅茅結短檐
門因新筍閉
屋為老梅添
花影移藤架
松陰落布簾
園林與丘壑
幽事此能兼

寒知聞舊閣
石路上嶙峋
兄弟俱才子
園林亦比隣
鶯花隨地好
筍蕨一時春
谿畔過從易
扶筇不厭頻

少保藏書處惟餘十畝存清風
依草閣碧血滴松根
世代看陵谷耕耘約子孫
一經耒且讀辛苦慰忠魂

寒知閭爲

左忠毅公
讀書處

雨過谿流急初晴款竹籬
龍眠芳草路驢背夕陽時
慰我三春約疇君隔歲詩
荀香花落候况復聽黃鸝

雨後過漱石亭二首

清流帶西郭一徑入柴關
過雨客初到叩門僧未還
雀喧花自靜谿開石長閒
隔樹秋風起樵歌徧晚山

荒園人境外漱石小亭幽竹澹容僧俗花飛任客愁
聲編入夜嵐氣總如秋雨後泉方好何人雨後遊

在郡城憶牧五庭中雙桂

海門忽覩黃金粟苦憶君家雙樹傍釀作桂漿千日醉
散爲秋雨一城香月枝露重階常潤僊萼雲深戶自涼
定有夜來花下客隔簾清獻共飛觴

晚春郊外二首

平郊一道蹋晴沙春色畱人春日斜紫燕飛時穿柳絮

黃鸝啼處落松花
幽谿水飲青絲騎
碧草香承油壁車
日暮苦吟何所羨
遠邛如畫兩三家

草生河畔碧如苔
歲歲春光不用媒
風雨有期寒食到
鶯花無恙隔年來
卻添離思縈高柳
惟許新詩送落梅
獨客何心閒倚杖
子規聲裏最裴回

疇友人見贈

荒亭遙對白雲間
地足蓬蒿嬾未刪
開戶最宜春夜月
到門無限夕陽山
秋當靜處蟬聲歇
人正吟時竹影閒

更愛城東高士過餘香三日襲柴關

過谿南有懷故人

谿上驅驢過短垣故人曾此閉柴門
方塘斷岸經春雨野水平橋復舊痕
梅種竹窗花漸發詩題蘚壁墨猶存
臨風忽憶前年事水鳥銜魚噪夕昏

冬日

繩牀竹几小窗前手爇清香暖著絛
冬日爲人來草閣梅花與客共寒煙
嵇康達命原宜嬾摩詰能詩自解禪

但得身閒兼地僻閉門一壑亦翛然

庚子放後舟中贈信臣二首

與君相對數秋晨幾度高吟涕淚新攜手正當黃落日
入門俱有白頭人豈應我輩長貧賤莫漫相逢說隱淪
楓葉亦知遊子意寒聲蕭瑟古江津

一葉輕舟逐水湄西風吹客到家遲依然江岸蘆花路
況是秋深暮雨時暫屈敢言同鶴脰長愁只恐負蛾眉
惜陰亭畔蘋香老難薦湘纍楚客祠

古人云功名時屈
時伸如鶴脰然

次韻答信臣二首

八月寒江秋正清與君同作秣陵行
曉過茅店看霜跡
夜泊蘆洲聽雨聲
舊路總餘遊子恨
新詩彌見故人情
高吟正復增惆悵
難遣人間百感平

依舊驅車往復還
秋花重與閉柴關
雲霄待客何年事
風雪容人此日閒
淚落頓添桃葉水
情多數夢雨花山
君歸抱病予愁絕
相對何曾一解顏

集左橋亭小圃二首

荒園手自翦荆扉侍御先生此息機幾樹梅花傳晚節
滿庭橘柚凜霜威紙窗風雨書聲靜草閣蕭疎鶴夢歸
天壤勲名畱伯仲遺經讀處莫霑衣

左侍御三山公
為忠毅公弟

幽徑閒來趁晚晴故人歸復自臯城淮南招客皆詞賦
靈運能詩本弟兄午夜清霜增酒數一簾明月駐歌聲
茗香客醉狂吟後移得琅玕影正橫

之郡城道中望龍山三首

二龍山色翠漫漫常向宜城陌上看望入江南秋色裏

青當皖口白雲端遙連野水嵐光溼半背斜陽樹影寒
極目千峰倍惆悵何年策杖躡層巒

不因谿水泛殘紅誰信桃源與世通鳥路雲深松葉裏
人家春老杏花中懸崖終古留僊竈絕壁千尋嘆鬼工
山寺一聲清磬好簞簞西畔石橋東

野老家家穫稻梁一川風景近柴桑晚花著屐尋霜圃
秋水扶筇渡石塘隔岸亂鎗螯正美千邨老樹橘纔黃
何年叢桂招人隱北渚南汀築草堂

閏七夕

碧霄無際綵雲流
乞巧今年巧倍疇
天上香車雙七夕
人間團扇又三秋
辛勤烏鵲還成渡
消瘦青蛾幾上樓
翻羨秋宵容易得
盈盈一水不須愁

虞美人花

翦盡春羅賽得無
倚風似欲倩人扶
烏江尺地全非楚
青塚閒花尚字虞
種向九秋宜麗服
開當三月徧平蕪
一年一度看濃艷
絕勝明妃見畫圖

此花初種時宜于
中秋麗人綺服

鎗花

銀燭作花花正然寒宵春色倍堪憐
月光暗處垂金粟
佛火堆中長白蓮
旅客敲殘秋漏裏
美人挑落晚風前
何如繡閣珠簾下
並蒂同心照綺筵

秋海棠花

秋花亦占海棠名
玉露金風別有情
蘭縱比幽傷冷落
杏雖如色讓輕盈
微香應欲消遺恨
紅淚依然泣舊盟
節節珊瑚低拂地
臨風一笑許傾城

偶飲大匡山亭二首

過君別業即淹留，曲徑深林恣意游。
共指雲峰高閣敞，忽穿石壁小亭幽。
層巒望處臨官舍，古木疎時見戍樓。
攜得楸枰沽得酒，寒風蕭瑟不須愁。

城外谿通城內岑，泉聲環遶石樓深。
林從落後偏宜望，梅未開時便許尋。
宅畔煙霞堪穩臥，

君恩歲月與高吟。
丹鉛坐擁良非易，莫為浮雲感素心。
為友人題裴航游僊圖便面六首

吟到樊姨舊贈詩忽從邛路見蛾眉神僊縱道多奇蹟
說著裴航蹟更奇

老媪呼來見玉顏明璫纖手綠雲鬟相逢何地無僊子
多在蘆花驛路間

簾下纔闌半面春千緜玉杵此情真神僊不死皆情種
肯學人間薄倖人

覓徧天涯道路長故將辛苦試僊郎豈應天上元霜易
翻爲人間玉杵忙

金史四十八卷十三
隻手攜來問水湄雲英重見舊茅茨懷中兔影如明月
光照名姝十二時

陌上車聲衣上塵一回老卻一回春玉京拋得崎嶇路
便是神僊隊裏人

絡緯聲四首

絡緯聲中秋夜厭草根淒切透書簾問渠何事清宵苦
空被人間懶婦嫌

瓜蔓叢深咽露微如何不織禦寒衣清霜一夜飄零後

粉蝶蜂腰一樣歸

一聲斷處秋盈盈
天遣人間織婦驚
老大女兒不解事
停鍼只當聽蟲聲

晚涼颯颯雨霏霏
瓜葉稀時叫漸微
病婦臨風忽長嘆
今年八口計寒衣

遠峰亭初成信臣見過贈詩五首即次韻奉答

一片城隅地耒耨
來瓦礫餘經春成
小築盡日賦閒居
荒徑添萊竹高窗擁素書
閉門無剝啄芳草上階除

結屋依山麓平原望白沙故人同夕照天際止殘霞帶
月梧桐影迎風茉莉花寒聲留客聽絡緯滿秋瓜

新詩冰雪字好向竹窗懸小詠風前句微涼日暮天遠
邨依樹出樵唱隔林傳自愛閒吟地城隅有一廬

宵涼人未散新月上高岑鳥影沒殘照秋聲滿竹陰雲
連千堞晚蟲遠一鐙深小榻臨窗置微寒蚤欲侵

龍眠讀書處水竹小堂名愛子尋泉石慙予隔市城亦
曾過白社相與聽黃鶯更諷江峰句偏增夙昔情

詠水僊花八韻

自有神僊骨況依清淺波前身應孝女小字比湘娥種
別玲瓏巧花憐姊妹多衫裁微碧絹結翦澹黃羅影入
殘年燭香畱徹夜哦玉盆圍白石銀蒜藉青莎梅婢那
堪受蘭妻應若何清芬推第一花史許誰過

春暮過信臣龍眠草堂二首

春山獨往聽黃鸝畫得龍眠祇自題犢路半隨流水曲
田家只在杏花西新移石竹迎門綠手種山蔬逐路低

偏有長康難畫處書聲寒夜雨淒淒

高吟日日送斜暉招客寒山共掩扉
陂下麥田沽酒路門前春水釣魚磯
人從靜後偏宜嬾家在塵中未肯歸
愧我暫來還欲去羞看白鳥向雲飛

江邨

江上青帘賣酒家停舟纔見一谿斜
秋風蕎麥邨邨雪夜月蒹葭處處花

深坐

擊柝聲聲過戍樓
小亭深坐愛淹留
鳥翻竹葉頻疑雨
虫戀瓜藤蚤報秋

采石懷古

懸崖百尺俛江流
上有詩人太白樓
牛渚欲尋何處是
天門遙望不勝秋
松聲夜共寒潮落
石色晴看畫閣浮
僊客騎鯨已千載
白雲明月屬漁舟

過鄒縣謁孟廟恭賦十四韻

尼山炳長夜
鄒邑振宗風
陷溺過堯水
疏排儼禹功
七

篇垂道法千禩格愚蒙俎豆周區夏精靈雷故宮清晨
起嚴肅數里見崇隆風土闕山左絃歌接魯東雕甍凌
碧漢丹壁映長虹蔽日林陰密盤花石柱工垂旒簪白
玉披袞繡華蟲蚪蚪豐碑壯犧牛祭器充及門諸弟子
從祀一堂中還覓蟠松際因知寢殿通徽稱加孟母遺
像識邾公肅拜軒楹側瞻依闕里同

放鶴亭

已過雲龍麓還登放鶴亭高蹤徒寂寂清唳亦冥冥一

派河光白千畦麥秀青僊禽渺何處煙際指南汀

鍾離古蹟四首

落葉霜天作雨聲驅車濠水不勝情牛羊日暮通侯宅
禾黍秋風帝子城盡伐禁松陵塚見漸偷宮瓦御樓傾
北連芒碭看雲氣極目荒丘感歎生

秋草寒煙落日斜衰楊風起散寒鴉黃巾一自成封豕
赤帝翻教哭斷蛇王氣幾年消碧落谿流無處覓紅紗
寢園未必皆遺老徧種東陵五色瓜

東南遙望幾孤邛野日荒荒白晝昏九廟笙鏞歸劫火
百年湯沐說遺恩草埋臺道麒麟碣漏冷銅壺翡翠痕
聞道奉祠零落甚斷橋衰柳故侯門

凋殘金碧舊禪關僧閉閒庭草色殷誰向荒原尋馬鬣
惟從古寺識龍顏優曇花冷三千界苔蘚碑封第一山
自昔興亡等閒事不須惆悵夕陽間

閔子祠

下馬秋原拜閔祠傾誰與覆茅茨數家石屋賢人里

一片荒墳孝子碑
汶水風清辭世往
蘆花衣冷畏人知
可憐陌上俱遊子
回首鄉關日暮時

戚里

戚里歌鐘舊賜樓
灌龍門上幾經秋
玉魚長伴衰楊老
石馬空迷碧草愁
當日望雲隨帝子
百年食采列通侯
祇今零落殘陽裏
賸有紅牆遠故丘

除夕河間道中次昭茲韻

椒盤柏酒異鄉同
此夕驚心嘆轉蓬
鶴髮老親千里外

雞聲殘夢五更中
星懸屋角光全白
燈近牀頭影乍紅
南去歸鴻憑寄語

帝城明日足春風

甲辰元旦次前韻

薊北風煙故國同
不須千里怨飄蓬
柳深細雨龍池外
花滿宜春御苑中
鶯語漸催宮草綠
馬蹄行躡上林紅
建章一夜千門曉
從此朝朝待好風

慈仁寺

長安千騎蹋香塵盡是看松古寺人
海市乍開樓觀日
石家初試綺羅春
玉藏錦篋誇前漢
珠瀉金盤出大秦
看到山門將日落
更誰來問老龍鱗

春半

春半江南爛漫時
朔風吹雪點鬚眉
白楊幾樹鴉空遶
翠麥千畦雉尚饑
芳草不牽池上夢
寒梅難寄隴頭枝
五侯溫室花爭放
未送青青到柳絲

寒食河間道中

驅車日暮尚裴回寒食今朝何處栢漸喜柳從歸路碧
始知春自故鄉來千邨禁火煙空冷幾樹臨風花漸開
丘壠舊山兄弟在漫憂陰雨積莓苔

亞父塚

驅車路入古彭城亞父墳前春草生歷數天教分楚漢
英雄人豈謝良平碑畱姓字千年恨魂斷河流午夜聲
往跡恰隣高帝廟相看應使壯心驚

塚南有漢高皇廟

過九里山二首

遺跡彭城夕照邊中原百戰亦徒然
帳中氣為美人盡江左羞因父老憐
漢業蕭條成往事楚歌淒斷自千年
游人極目空惆悵數點青巒起暮煙

劉項應知不並存當時一劍失鴻門
悲歌漫下烏騅淚王氣全消白帝魂
晚日亂山旌影動霜天百代戰雲昏
看來逐鹿都如此指點休從勝負論

歸渡黃河

春水黃河接遠天人歸依舊夕陽邊
馬銜青草嘶沙岸

客傍梨花喚渡船
波影滌洄成九曲
濤聲澎湃自千年
祖生空有聞雞志
擊楫中流一慨然

放歸二首

衣上空沾京洛塵
閉門猶許作閒人
舊栽松竹驚心看
久別琴書到眼新
花事芳菲看漸晚
鶯聲圓滑聽纔真
翻憐薊北多羈旅
輸卻江南一度春

莫嘆尋春歸較遲
風光正值夏初時
細翻藻荇收魚子
牢護櫻桃惱雀兒
穿破閒階容碧筍
叫殘清夢任黃鸝

垂檐梅子離離綠
憶殺去年花滿枝

春晚同孝儀從房師即墨黃公泛舟淮河并觀騎

射

黃公時爲鳳陽司理

千畦麥穗帶城斜
供帳行旌駐水涯
明月雕弓穿柳葉
春風金勒映桃花
塞帷許列康成席
鼓櫂疑同博望槎
漫道使君歸路晚
還停鏡吹看桑麻

鍾離遇徐莘叟前輩卻贈

談經曾壓漢廷儒
今見風流賜鑑湖
一自芳洲塞杜若

從教官跡託尊鱸倦辭丹地含雞舌醉解官袍擁鳳雛

春宴得陪蓮漏永鳥啼花落聽吳歛

楚江典試後即請告時攜令嗣遊

信宿皆如三兄西山別墅次信臣壁上韻三首

深徑寒林葉漸凋此中人久賦招招夢同春草因曾到
路覺秋山轉不遙一帶蒼巖垂石乳數家茅屋住峰腰
支頤笑指雲生處髣髴聞歌是晚樵

手自披榛葺故廬閉門聊且遂吾初夕陽山下聞驅犢
秋柳陰中看打魚蘭珮香偏宜卉服芒屨健可謝籃輿

隔谿數武鄰丘壠常傍松楸讀父書

伯父方伯公墓在西山

千箇貧簞未覺貧茅檐況復一時新
構成樂園峰常開看破蕉陰鹿也馴
栗里果肥喧稚子楓林葉落見比鄰
祇今預訂桃花約莫負明年此地春

寒食埽先慈殯所以未歸丘墓感賦二首

陟此悲來五父衢路經荒嶺更崎嶇
空山去郭十餘里老樹成陰三兩株
地僻草花眠乳鹿春深風雨喚慈烏
松楸未卜陶家宅廿載泉臺夢穩無

兄弟無由種墓田每逢寒食哭荒阡爲貪白日千年事
耽卻黃泉幾歲眠淚盡啼鵑空復爾夢憑歸鶴亦茫然
北邙寸土艱如此羞向東風吹紙錢

繡毬花

萼綠應知是後身澹如新柳白如銀請看姊妹繁華隊
盡是神僊冰雪人翠黛漸舒眉色淺玉顏齊簇粉腮勻
黃鸝聲喚東風急吹落梅花在暮春

春郊

昨夜春衫翦絳紗阿誰挈伴向誰家游絲不解牽紈袖
弱草偏宜駐鈿車團扇故遮憎柳眼小橋遲過為桃花
欲圖蛺蝶無佳樣記取風前一道斜

七夕

涼宵斜月照疏櫺一樹秋聲梧葉庭最喜風光當七夕
又教兒女認雙星去年夜雨山邛夢前歲秋香木末亭
莫道人間無遠別幾回同爾倚雲屏

牡丹

萬疊羅衣倚畫欄沉香亭畔昔同看和風夢暖紅珠帳
曉露光凝赤玉盤粉頰微痕脂欲透絳綃斜映錦成團
上林三月花千種更有何花壓牡丹

梅花詩三十首

橫斜多在短牆東半放微舒清露中吟入暗香詩冷艷
夢迴芳徑月朦朧幾株最愛前邨白一種尤憐照水紅
自是東皇憎寂寞故將寒藥試春風

蒼枝經歲古苔封忽點疎花在暮冬時近艷陽應有待

天憐寒谷若為容牀頭屋角香先透月下谿邊影自重
此際與誰同晚節層巖凍雨滴青松

一天雪意壓明缸臞骨稜稜戰未降老樹數花開隔岸
春風昨夜渡寒江遙憐瘦影臨官閣靜對香痕落紙窗
可惜黃鶯啼不到任他山雀自雙雙

清谿茅屋復疎籬臨水臨檐初放時雪裏自文高士骨
簾前欲點美人眉疑傳滄海珠林種誰琢空庭玉樹枝
偏以歲寒為令節旁人錯認曉風吹

朱梅幾樹遶山扉
愛爾偏當雪正霏
掩映珊瑚銀海浪
輕籠紅玉白綃衣
也知冰骨姿原冷
未覺瓊枝體太肥
長信祇今推第一
濃將香粉抹楊妃

攜樽好是看花初
李徑桃蹊盡不如
幽谷春陰含雨重
野田寒燒破煙疎
有情許伴孤山鶴
何客閒騎灞水驢
最憶一叢窗下影
龍眠東畔故人居

幽姿應悔識林逋
引得閒人種幾株
深苑巧增宮女艷
空山偏學老僧臞
半灣流水看逾好
數點苔書得無

此際若教霜月照分明一幅晚香圖

還如仙李植丹梯數點寒雲水一谿山雀啄花清露裊
寒鴉挂影夕陽西參差畫閣春偏蚤掩映江邨路欲迷
風起枝頭飛似雪遊人莫道舊隋隄

孤情未易與時諧只合龍鍾傍鹿柴草閣夢迴依紙帳
山橋花落襯芒屨低枝自覆橫琴石老榦全拖隔水厓
插向膽鉗誰可伴爐香茗椀在蕭齋

清谿一帶是誰栽歲歲春光倩作媒笛弄晚風偏歷亂

月臨芳樹亦裴回
瀟湘神女和煙立
姑射仙人蹋雪來
盤屈盆中非所願
羨君猶傍水仙開

欲晴欲雨是芳晨
南北枝頭開漸勻
自分有香畱野客
不妨多刺謝樵人
好同蘭藥稱同調
惟許梨花步後塵
谷口山中無歲月
千株放盡始知春

繁花枝上已紛紛
老樹谿邊臥凍雲
開落非關春色異
寒暄全自領頭分
何郎粉汗應難傳
荀令衣香不待薰
獨以孤標先衆卉
豈因風雪惜離羣

蒼巖翠壁長孤根常許移家託小園風暖乍聞香繞樹
雪晴尤愛月留痕枝封石屋燒丹地花覆旗亭賣酒邨
一自羅浮春夢後更誰人與伴黃昏

如畫枯枝墨未乾賞心端在雨中看支筇滑路尋幽寺
放艇清谿過遠巒凍折有聲翻玉珮冰凝無力倚闌干
橋邊若遇襄陽客為爾殷勤道歲寒

歲晚攜樽採舊山古梅招客入煙鬟偶逢石上兼谿上
多傍松間與竹間高士苦吟局小閣老僧香定在深關

此時一樹偏清絕雪沒枝頭苔蘚斑

梅花一度一春天偏為人間管歲年餐雪本無煙火氣
埽眉不借粉脂妍短檠幽夢縈詩筆斷岸香雲濕釣船
昨夜湖邊有微霰冰凝寒玉隔蒼煙

芳心初綻雪初消未許春光在柳條隋苑豈知栽素練
秦宮不解卷輕綃惟予閉戶清吟賞念爾衝寒濁酒澆
說與俗人應未識水邊山畔自蕭蕭

嫩蘂疎枝影自交一簾新月映花梢縱橫字體摹張旭

冷落詩情託孟郊折得晚香蘭可伴驚聞清唳鶴還巢
嘉名異日傳調鼎記取蟠根在草茅

五月江城夜笛高一枝搖落在亭臯曾因託詠傳南雅
惜未攀芳入楚騷猶覺礪松逃世苦翻憐江柳送人勞
摘來和雪偏堪嚼磊塊何須醉濁醪

無數寒花發舊柯閒庭從此苦吟多十分春信勞青帝
一點芳心託素娥開落總宜人澹蕩醉醒偏稱影婆娑
布簾香透寒鐙暗聽我清狂徹夜歌

愛爾根梢亦自嘉耐寒不數拒霜花每從枝上分香雪
旋向鐫中淪芥茶南國詩筒迷驛使廣陵春夢冷官衙
江東久隱羅昭諫爲看參差幾樹斜

一歲煩君領衆芳水邊石畔占春光自將孤潔疇霜雪
嬾與繁華鬪艷陽有夢何曾迷蛺蝶問名猶喜字鴛央
宮人競學新妝巧盡點眉心幾辨黃

作賦曾傳宋廣平花期獨與歲寒盟谿山凍雨封千樹
殿閣晴光動九英艷質自能忘粉黛素心應不負冰清

攜來書卷花間讀
共爾披香入玉京

一梢寒玉偃空庭
還與幽人伴醉醒
月下晚香依鐵笛
鐙前疎影落銀鉶
舊栽久許鄰松石
初放偏知近草亭
若使東皇肯珍重
三春常到水晶屏

誰道清寒苦不勝
冷然香色在層冰
飛來江岸疑殘雪
挂向巖西學古藤
月映夜珠朝露重
風低碧玉晚煙凝
湖山深處開千樹
欲權輕舸恨未能

花史推君第一流
春光占盡在揚州
孤根點綴蕭蕭寂

老樹披離古洞幽，雨雪相逢吟易苦。
寒香持贈句難醅，臨風忽起故人思。
欲折無由寄隴頭。

滿庭寒藥駐春陰，幾點新蜂特地尋。
南國名花原並蒂，上林佳卉本同心。
綠英眉黛爭濃澹，紫萼脣脂鬪淺深。
綺閣畫欄無限樹，一枝先上美人簪。

名園花信爾先探，霜雪年年與性諳。
十月蚤開傳上國，一枝堪寄在江南。
微舒檀口歌初歇，澹抹朱顏酒半酣。
搖落空庭春事晚，好分紅雨到雙柑。

遠屋枝枝近短檐晚煙初罩雨廉纖
摘將寒藥詩堪祭
悟入微香花可拈乍斂芳心如避客
巧迴半面欲闌簾
幽人久已無塵障爲爾清宵酒數添

古梅臥處倚松杉花落春風覆石巖
結子有心拋錦帶
向人無力卸輕衫香谿暖漾魚爭沫
晴雪霏微鳥不銜
應有新飛雙白燕遠枝惟聽語呢喃



文端集卷十三

欽定四庫全書

集部

文端集卷十四

詳校官庶吉士

臣汪彥博

助教

臣常循履勘

總校官降調編修

臣

倉聖脉

校對官中書

臣

葉蘭

謄錄監生

臣

蔡漸磐

欽定四庫全書

文端集卷十四

大學士張英撰

存誠堂詩集十

近體詩八十首

丁未春釋米

先師廟恭賦二十韻

昭代崇文日羣英習禮時橋門環綵仗壁水簇春旗達

路紛冠蓋長廊集羽儀賜名皆勒石歷代有豐碑斑駁
搜前哲琳瑯讀古辭殿高低燕雀松偃走蛟螭積翠黃
金瓦蟠花白玉墀漆經文典貴石鼓字離奇龍篆存周
迹鴻章想漢規層臺容晉接千仞許羣闕繡柱扶丹栴
重氈映絳帷高窗懸綺綴古壁網罟愚樂器紛匏竹銅
樽列象犧恭行釋菜禮偕詠采芹詩草綠侵袍色花紅
映酒卮平生懷盛事此際愜心期太學人才地司成國
子師掄才皆董賈結念在臯夔事業輝麟閣文章爛鳳

池願言崇聖訓持以報雍熙

憶家山詩十首

勺園風景重相思有夢先歸春草池里巷過從兄弟樂
園林佳勝夏秋時穿階新笋生何地拂檻名花發幾枝
最是石隄臨水處遠心長綰綠楊絲

勺園

西南別業傍城隈澄對軒中首重回碧柳影從冰簟拂
白蓮花抱水亭開微波似織涼初起隔岸如絲雨欲來

濁酒一尊詩一卷知君夢不到塵埃

澄對軒

兄弟躬耕自結廬湖山深處狎樵漁稻香自與荷香接
松影還兼竹影疎魚鱸似銀收網後藕絲如雪出泥初
棣棠花下羣回首定念天涯有索居

松湖

遠峰亭畔綠陰遮半畝琅玕一徑斜風捲江雲看九子
雨來山郭暗千家兒童笑逐枝頭鳥杖履閒尋葉底花
華髮頻年惟繞膝平生不願客天涯

遠峰亭

花亞軒中樹影稠微涼纔動暑全收繩牀午夢湘簾暗
茗椀春香紙閣幽翠竹便堪消永日海棠蚤已報新秋

北堂況復依萱影絕勝風塵事遠游

花亞軒

元度城南闕草廬門迎荒圃種山蔬蟻浮春氣常畱客
蠹落匡牀自著書竹路過從精舍近荷香披拂晚涼初

廿年風雨頻遊地花落花開總憶余

伊蒿小圃

樓接蒼巒俛縣門城中勝地屬偏園家餘閒地皆松竹
世看名花到子孫小院微涼侵草扇西山紫翠自朝昏

高窗吟望增惆悵綠鬢紅綃何處邨

疊翠樓有牡丹為先世手植羅昭諫

有看到子孫
能幾家之句

回軒僻巷有精廬門閉高梧影更疎翠竹笋成迷巷陌
紫薇花發映庭除東牆老圃朝耒菜小閣佳兒夜讀書

棠棣天南知爛漫寂寥依舊子雲居

半園

半畝潘園種竹餘安仁聊且賦閒居故鄉別後俱千里

京國春來少素書

先是木佳有山左之行

游屐倦時花事好草堂

閒處綠陰疎老親繡佛吟詩暇日日輸君奉板輿

石經齋

龍眠深處結茅茨憶爾空山冰雪時岑寂久從爲客慣

清寒翻覺畏人知荒厨積雨遲煙火草閣懸鐙下布帷

底事吟成轉嗚咽淚痕傾向蓼莪詩

龍眠水竹山房

慈仁寺海棠

長安初見海棠紅帶露含煙古寺中
酒盞時來澆艷質車塵不解避芳叢
新妝厭浥朝酣雨錦珮招搖暮倚風
苦憶江南千萬樹莫愁湖畔石城東

院中秋晚

御河流向禁城東古屋參差煙靄中
匹馬空庭秋草綠寒鴉高樹夕陽紅
霜催柳色凋秦塞月傍砧聲出漢宮

尺素漸稀衣漸薄，可堪惆悵對秋風。

秋夜宿院中二首

向夕攤書坐，何曾異薜蘿。
月臨丹地迴，秋傍古槐多。
涼氣纔侵簟，微雲欲渡河。

聖朝勤問夜，將曙聽鳴珂。

康樂多佳句，慙予非惠連。
茶香同永夜，鐙火各青氈。
樹色連雙闕，鐘聲落九天。
高吟閒不寐，涼月度花磚。

時同禮存

兄宗

中秋夕賦得何處秋光好四首

何處秋光好
家園憶老親
花間人似鶴
月下髮如銀
珍果宜佳會
輕衫稱健身
膝前三歲弟
學語聽纔真

何處秋光好
園林憶弟兄
蟹螯烹正美
秫稻釀初成
楓葉紅千樹
桂花香一城
等閒行樂處
偏動旅游情

何處秋光好
家山憶舊遊
龍眠新雨沐
浮渡晚煙收
數步從看竹
諸峰盡入樓
湖邊饒勝事
菱茨滿汀洲

何處秋光好
閒窗憶舊歡
賦詩常暗記
作字倩同看
月

夕中庭敞花時別圃寬桂香深處坐獨對露華溥

投座師大宗伯真定梁公二十韻

仰止宗工久

熙朝盛羽儀文昌符象緯海嶽毓靈竒日下金莖露雲
中玉樹枝廿年輝紫極雙壁映彤墀尹陟誠無愧機雲
儼在斯壯猷元老藉邦代重臣資經畫安桑土勲名勒
鼎碑五兵彰赫濯九域際雍熙漢室修文教虞廷命伯
夷

帝心爰簡在羣議洽疇咨肅穆凝天祉寅清格地祇
旌誠重典衡鑑藉無私騏驥登臺日珊瑚出海時掄才
皆素士報國有鴻詞自顧鹽車質深慚伯樂知公門容
作樹鄙念正傾葵遽返東山駕長銜北海卮圖書諧夙
願山水愜幽期立雪思清論扶風想絳帷
中朝司馬重難久臥東籬

集胡氏園林十首

嬾從綺陌共鳴珂卻向幽林埽薜蘿自是功成閒歲月

手栽松竹聽清歌

小山疊翠起平蕪曲曲朱欄入畫圖久矣江南臺榭少
誰云佳麗數姑蘇

一曲清渠泛紫瀾畫船斜繫玉闌干迴思此景依稀似
曾向秦淮渡口看

曲洞幽房往復回忽從高處敞亭臺白羊幾點平蕪綠
一派西山蒼翠來

藥珠宮裏夜溶溶紅雪歌兒繡幙重避客嬌羞纔喚出

兩行銀燭照芙蓉

簫管真疑落九天游絲百尺繞芳筵黃鶯新轉銀塘柳
難比歌喉溜滴圓

梁上輕塵落吹臺綵雲天際亦裴回謾言歌舞教成易
十斛明珠換不來

蛾眉如畫翠屏中繡閣珠簾一點紅白鶴亦知新曲好
唳聲原不為秋空

司空腸斷語應真聽入微時喚絕倫一疊清歌頻擊節

等閒傾盡瓦頭春

晚風清露襲虛堂好客情深秋夜長紅燭清樽許消受

綵繩何用繫斜陽

壁上龔大司馬詩有安得綵繩千百尺畫樓高處繫斜陽之句

四女祠

四女以養親不字祠去德州四十里南歸宿此益增感歎因成長句

四女無家翻有祠明妝猶得伴龐眉誰言夫壻鉛華日

堪換雙親菽水時古壁難尋黃絹字荒階空偃綠槐枝

獨憐名利天涯子南北年年怨路歧

登聊城光岳樓

光岳樓高復幾重
陵風天際繡芙蓉
數叢煙樹分齊魯
萬疊晴巒俛岱宗
畫棟遙連青漢起
塵窗長藉白雲封
仲連一矢成千載
牢落荒城想故蹤

安山道上新柳

一行疎柳受斜風
偏向河橋水驛逢
路比迴腸千寸結
家從歸夢片時通
倚風有恨憐人瘦
帶雨如啼妬眼紅
陌上飛花舟上客
三春與爾共飄蓬

挂劍臺

延陵遺跡到於今指顧猶堪感客襟
風起白蘋吹劒草雨滋蒼蘚沒碑陰
長虹不散千年氣秋水長懸一片心
翻覆人間等閑事因君高義起愁吟

淮陰城下

桃花春浪擁孤城合派河淮此際清
九服洪流歸大澤萬方嘉種達神京
帆檣雲影東南集鐙火波光上下明
獨惜未登高閣望中宵欹枕海濤聲

海印菴憶舊

兄弟扁舟江上人昔年曾此滯河濱
秣陵煙樹迷青嶂采石風濤起白蘋
避暑同依僧舍柳攤書還埽佛龕塵
重過舊路無相識誰解臨風感歎頻

與浮山金谷巖僧

巖壑諸名勝香林此最幽
嵐光千樹碧石氣四時靈
鳥常呼佛飛泉自入樓
曾來分定宿良會訂重遊

巖中有青

鳥常鳴于佛
座聲如笙瑟

四秋詩四首

同四松木
厓三兄作

秋荷

荷衣經雨覆橫塘舊日田田今淺黃無復青錢低貼水
惟餘翠蓋晚迎涼一枝菡萏三秋露隔岸芙蓉昨夜霜
莫道紅妝零落盡贈人偏愛採蓮房

秋鷺

曾聽黃鸝各賦詩澹煙新柳在龍池祇今紅樹雙飛處
誰復春陰百轉時歌調晚風應漸澀羽毛清露恰相宜
金衣若向籬邊過莫認霜天菊一枝

秋草

芊芊無復徧香隄
雨後霜前若翦齊
難報春暉猶有恨
時含清露總如啼
寒煙陌上連天遠
秋色江南逐路低
此際閒吟還極目
關情何異蹋花蹊

秋燕

主人臺榭尚經過
掠羽新秋意若何
玳瑁梁空雛漸長
水晶簾動影偏多
鳴蟬無意休爭語
江鴈相逢一和歌
莫羨梨花庭院好
澹煙疎柳任婆娑

又賦得秋荷秋鷺二章次四松韻即贈之

芙蓉冉冉立寒塘不向花時鬪艷粧乍褪紅衣沙岸冷
頻搖白羽水亭涼獨憐嫩艷垂秋露未覺蕭疎帶曉霜
此是青蓮投老日風流莫漫說徐孺

三春已去聽黃鸝憶爾歌喉絕妙時上苑奇花無數樹
建章新柳最高枝啼殘紅葉聲偏巧聽入霜天韻轉悲
公子老來無滑調詩家堪比少陵詩

語菊二首

同四松木
厓三兄作

艾荷老後見寒香
邨落蕭蕭夜有霜
別圃秋光初爛漫
東籬閒客偶相將
冷風細翦金爲縷
涼月斜闌玉作璫
彭澤只今消息遠
露華楓葉共蒼蒼

金英歷落向斜曛
得傍寒香是此君
晚節同予吟白露
閒心共爾對秋雲
清芬自古惟蘭近
甘苦誰人與意分
花史只從顏色辨
嘉名應獨數黃筋

黃筋比皆菊種
甘菊苦薏

菊答二首

山邊黃葉共蕭森
常有詩人著意尋
九月花時何太晚

重陽秋雨易成陰敢辭節序煙霜日少慰人間搖落心
靖節歸來多好句憑誰爲我一高吟

疎籬掩映一叢花含露含煙影半斜自分寒香堪滿把
豈同芳杜卻盈車惟宜澤畔閒人種偏稱孤山處士家
不向庭中怨移植知君端不愛春華

贈友人隱居浮山

吳融居處自爲邨浮波煙嵐近在門避世嶺皆名佛子
荷勑人本是王孫春煙種秫閒田外夕照吟詩古樹根

三十六峰峰頂路憑君捉筆寫秋痕

浮山有佛子
嶺居近之

送四松先生之金陵

扶筇何處意翛然桃葉谿頭酒肆邊
戚里歌樓空蔓草

南朝古寺半荒煙鳳凰臺影江流合
燕子濤聲瓜步連

懷古祇今誰第一久知元白讓詩篇

將從金陵
之瓜步

秋浦晤任鸛峰即贈

海門風浪裏偶挂片帆來秋浦冰初結
齊山雪未開游

筇偏瓦礫客戶亦莓苔嘆爾羈栖久
任華本異才

冬日登齊山

牧之遊處一扶筇幾點苔痕想故蹤石影洞中驚虎豹
翠微天際列芙蓉千家近接城南路九子移來江上峰

閒客正攜邨市酒落暉何意到青松

齊山有九峰亦名九子

大隱園詩四首

園在金陵為族叔觀察公別業

楊柳春煙覆白門
冶城佳氣滿亭軒
香山居士今遺老
鑑水風流在小園
鷗夢池邊稀過客
鳳雛花下引諸孫
謝公此地多遊迹
絲竹東山意尚存

大隱由來臥一丘亭臺絕勝輞川幽小山積翠藏書屋
曲水流紋蕩畫樓花草自成三徑色風煙不改六朝秋
步兵老後無塵累筇杖芒屨任所遊

弘濟江流接翠微移來此景是耶非憑欄細數魚兒影
疊石還如燕子磯山路逶迤松柏暗水亭搖曳芰荷圓
畫樓東畔芳非處梅杏深藏白板扉

秣陵閒擢遠相將信宿園林羨辟疆飲共竹林隨杖履
夢同春草近池塘雅聞羣從皆花筆喚出佳兒盡錦襦

雪屋西偏書閣近
誦聲清夜徹迴廊

采石

晴霞落日映長川
采石重來夜泊船
斷壁千尋懸古屋
蒼松百尺冷春煙
江通建業潮聲急
山望天門黛色連
流水綠楊如畫裏
此中堪著李青蓮

春深蘭陵舟中遇雪二首

蘭陵一櫂雨如絲
三月還如臘月時
積雪幾曾楊柳慣
深寒從未杏花知
蒼煙遙望春申浦
芳草難尋泰伯祠

天意不從游子惜可憐消息誤南枝

凍雨河聲咽不流柴門雪後酒帘收夜闌詩共吟殘燭
春盡人猶擁敝裘柳色一行垂斷岼花時三月在扁舟
張融漫道無家住未必當時不解愁

同陳幼木同年泛舟虎丘四首

流水桃花處從君蕩畫橈維舟頻近寺閒話忽過橋茗
椀隣船送香煙畫閣消憑欄誰最勝春色菜花遙

虎丘山畔路一道柳陰斜酒艇常延客人家半賣花停

繞尋小圃放屐愛晴沙莫向橋頭去笙歌轉覺譁

繫舟延步好還過劒池遊客意醉奇石春風吹畫樓橋
迴人影亂花發酒帘稠最愛長廊後煙光衆壑收

幽谷推元墓寒香萬樹裁如何今日酒卻話去年梅勝
事多延佇伊人每溯洄茲遊偏月夕深愧入城來

三月十四夜過念齋園中

良宵清話茗香隨曲徑疎籬遠澗池鶴舞自驕明月影
人過卻在落花時小龕佛據枯藤坐高閣門依老樹支

欲學東坡書小記中庭荇藻正參差

胥門懷古

伍相名留雉堞碑草生吳苑舊臺池祇今拭目懸門日
可憶吹簫入市時敵國功名歸少伯君王佳麗得西施
空餘一片孤臣淚白馬中流欲恨誰

同黃繼武趙明遠吳翼生同年集顧松交吏部園
林二首

芳園柳色正春融良夜清樽此際同花下等閒逢石丈

池邊傾倒醉山公
摘蔬畱客宜春雨
種蕙當門待曉風
一自歸田成小築
煙霞深處見冥鴻

疎籬曲徑偶相將
自古林泉羨辟疆
入畫數峰如礪谷
爲園十畝半池塘
侵階勺藥圍書屋
映水桃花覆石梁
不信吳閭城市裏
一家清夢屬滄浪

繆子長先生邀同
鮮書先生念齋昆
弟遊支硎山

歷諸勝因畱信宿四首

山寺入門後
清流亂石紋
巖飛千尺雪
樹隱一谿雲
消

暑宜亭畔聽泉想夜分諸公閒徙倚涼雨自紛紛

金碧華山寺香林自古今谿迴千嶂遠路入萬松深
鳥語移長日鐘聲送夕陰石牀猶可臥共子息塵心

曲徑將窮處幽林指法螺路疑流水斷門識古藤多老
衲勞相引游人不見過寫經思處士丘壠近維摩

法螺
菴爲

趙凡夫寫經
處墓在焉

支硎高閣上瓜果晚涼時石色靜如佛山容澹若詩筍
輿閒謝客筇杖付吳兒登陟人逾健尊前白髮垂

晚春同幼木翼生孝儀王青泛小艇觀賣牡丹人
家窮精舍最幽處二首

無意入邨落名花見萬枝移來新雨後賣向晚春時濃
艷成香谷繁華入繡幃玉盤尤可愛含露傍柴籬

半塘山後寺籬落小橋西丘壑人逾遠柴桑路欲迷方
塘迎戶碧密竹亞花低便是桃源客何心逐馬蹄

與歸孝儀四首

癸卯秋孝儀與予同出即墨黃公門下同門生八人孝

儀最少乙巳丙午歲同客中都對榻聯吟舉觴飛翰歡
相得也嗣是孝儀抱劉賁之恨風塵分袂各在天涯頃
予客吳門孝儀適自海虞來遇于吳興生坐上相見甚
慰孝儀畱吳門讀書僧寮晨夕過從讀其感懷十章未
免傷于憂憤予之望于孝儀者方大不欲以悲歌損其
性靈故作後二章以解之

吳門草綠舊高臺東望虞山幾溯洄隔歲馬蹄燕市別
三春蠟屐虎丘來故人久抱芳時恨明月何期良夜栢

離思等閒無說處勞君錦字手親裁

淮南曾憶舊風煙絳帳羣推最少年蕭寺苦吟人似玉
官齋良讌酒如泉懽從別館扶紅袖醉蹋春郊墜錦韉
一自扶風分散後素心無復照華筵

愁吟莫作斷腸聲年少宜捐磊塊情浴日奇姿真寶樹
凌雲仙掌待金莖橘林無實傳清白花萼多才屬弟兄
不是途窮悲阮籍傷秋何事太縱橫

牛衣縱道恨難持蘭若幽栖意轉悲一點佛燈春夢後

數聲清磬夜吟時，鳳雛未息營巢急。
鵬翮將飛，刷羽宜心緒。莫教搖落蚤損人懷抱，是淒其

上宋其武先生二首

揮手雲霄別

帝京蚤遺簪紱臥江城，訖謨當代推文正。
史筆時流讓子京，館閣才皆居後輩。
門牆人亦冠諸生，欣瞻華髮青

山老三十年來海內名

房師蔣公及念齋輩皆出門下

園林深處晚涼天，賓從多才集綺筵。
客聚星占來百里

堂成日喜對雙泉停車酒向元亭載立雪人依絳帳眠
遙指玉峰移畫舫楊梅新熟任留連

時寓雙泉堂計
甫草諸子咸集

贈虞山友人

海虞詞客遠相過一榼吳門叩薜蘿
天末故人良會少雨中間話舊遊
多寄詩真與梅花似對酒其如磊塊何
劍氣珠光終出匣相逢漫許作悲歌

贈何匡山次梅邨先生韻

蚤年逸興在滄浪水國移家髮半蒼
但有一經楊子宅

曾無千樹木奴莊清琴濁酒鶯花日雨笠煙蓑蟹稻鄉
崇陰漸高身漸隱已將心事託漁郎

文端集卷十四

欽定四庫全書

文端集卷十五

大學士張英撰

存誠堂詩集十一

近體詩九十首

攜李道中即事二首

吳門朝放艇暮宿古由拳
河濶纔容櫂桑低可覆肩
城中流水入橋下布帆懸
時向蓬窗問鱸魚出網鮮

最愛桐鄉道人家一水涯
河流如曲沼畫舫勝蕭齋
絲管隣船聽谿山客路偕
紅樓十二曲垂手盡吳娃

立秋前一日攜李道中

長隄草色望中殷
纔過平橋隔市闌
衣帶一灣通越水
煙鬟數點見吳山
捲簾時喚漁舟近
聽雨能消畫舫閒
明日新秋猶是客
不堪鄉思五湖間

秋夜同念齋泛舟登湖心亭二首

扁舟人在錦塘西
指點南屏望欲迷
秋水祇今環岳墓

綠楊無復映蘇隄一湖明月千峰出十里荷花兩岸齊
欲共暝鴉投宿處晚鐘煙際覓招提

向夕攜尊初泛湖新秋風月屬吾徒相將高閣人逾迴
憑眺孤山鶴可呼巖壑四圍環翠黛波光千點散鮫珠
湖中百幅雲林畫領取煙巒第一圖

七月十五日夜湖上

新秋客路在餘杭此夕偏教斷客腸鐘磬數聲河兩岸
火珠千點水中央果蔬竟日惟呼佛涕淚多時一望鄉

莫向斷橋高處立
鎗光雲影總悲涼

越州懷古詩八首

越王城

勾踐平吳後
東南霸業豪
登山思米載
飲水問投醪
戰士空黃壤
歌臺盡碧蒿
可能衣錦日
還憶抱冰勞

越山戰王

米載處
戰疏屬

蠡城

臣妾蒙羞日艱難
百戰心霸成
封苦竹身隱鑄黃金
勾

踐安難共陶朱累亦深何如五湖外煙水到於今

苦竹城越

封范蠡處

浣紗溪

聞說浣紗處苔痕歲歲新至今吳苑草常占越江春邨
女顰難效君王寵絕倫斷無亡國後還伴五湖人

嚴陵江

千嶂桐廬道清風幾溯洄不知天子貴猶是故人來垂
釣本無意披裘亦浪猜翻嫌人好事高築子陵臺

曹娥江

一痛雙蛾斂投淵比汨羅魂應憑逝水步豈學凌波廟
貌鬟猶小碑陰字不磨至今思孝女江亦號曹娥

蘭亭

千古山陰道猶傳修楔時激湍遺簪在陳跡古人悲觴
詠空蘭渚風流見墨池昭陵畱片牘愁殺辨才師

謝康樂墓

風流推謝客詞藻冠江東遊跡空山徧詩懷夢草同烏

衣非舊日鶴墓自秋風五字今猶麗芙蓉照水紅

鏡湖

賀監歸來地菰蒲起夕陰逢人曾解珮垂老竟抽簪盛
事誰能繼高踪未可尋鏡湖分一曲方見主恩深

山陰范祖生以秋蘭沙角菱餉予詩以謝之

蘭猶含曉露菱復采秋汀味解詩腸渴香宜客夢醒雙
稜堆玉枕並蒂抽銀餅遺自五湖上清宵伴醪醕

越州書肆得伯母方夫人紉蘭閣集感賦二首

粉蠹餘朱字開緘未忍看廿年耀翟第三命重花冠繡

閣詩偏好危城死最難至今遺草在香盟讀紉蘭

伯父講東

丈崇禎中爲山東左方伯城潰伯父死之夫人暨副室皆自投于湖而死

此卷家藏久流傳到越州丹鉛經陸羽閨閣自千秋青

史應難泯鴻編已見收可憐從死處風雨歷城頭

集爲陸景

業鑒定列朝詩選載其事甚詳

山陰晤楚中宋容菴卻贈

詞賦千秋讓楚騷祇今侍從說枚臯
簾前修史圍紅袖

殿上成詩得錦袍古蹟偶停蘭渚權高吟堪和浙江濤
蕭齋雨後逢秋爽明月秋空對彩毫

中秋同孝儀玉青看月分韻得中秋二首

瓜果樽前聽鴈鴻空庭客影偶相同人如秋水三更月
心似寒花一夜風楊柳丰姿清露裏芙蓉顏色曉霜中
由來此恨無人識搔首淮南小桂叢

潮落錢塘晚更幽人生莫作少年遊異鄉無意逢懸榻
靜夜何心各倚樓客子詩情如桂冷美人懷抱比膠投

七年幾處同攜手又記山陰一度秋

登越州能仁寺樓

名勝東南數越州客來憑眺寺西樓迎門一水明如練
繞郭千峰翠欲流望海亭連官舍近臥龍山擁郡城幽
舊家零落斜陽裏古木蕭蕭萬樹秋

鏡湖邊舊家園亭三首

畫檻全傾看月廊菱花開徧舊橫塘梧桐子熟無人拾
斷壁垂藤挂白楊

誰種青松映碧池種來應是小松枝於今蒼老無人見
辜負根梢入畫時

數株松桂一池蓮若構園亭趁少年
花落花開頭白後任他孫子付寒煙

題畫芙蓉菊小竹枝同貯餅中

美人顏色宜三醉高士風流耐九秋
得傍此君同處住

勝他籬落與江頭

楚中有三
醉芙蓉

重過湖上

芒屨曾蹋冷泉寺畫舫還登明月樓
纔見藕花紅似錦
枯荷斷梗又深秋

吳門竹枝詞二十首

楊花落後春潮長入網
霜鱗玉不如
驕語吳儂傲倖殺

千錢昨日喫鱖魚

吳人喫鱖魚以價高者相謝

無限春風楊柳岸
憑欄垂手各纖纖
畫船一曲笙歌好
十里紅樓盡捲簾

節近清明看賽會
流傳何日到於今
閭門内外人如蟻

一日姑蘇損萬金

旌旗百隊香塵捲五色披離望若雲
繡服烏紗車上客
金牌高署武安君

粧成太保佳兒好繡襦金環巧作春
何事神前輕設誓
銀鐺貫索路傍人

寒食由來傳施食諸神盡向虎丘行
招魂四六何人作
笑殺頭名張士誠

浴佛佳辰逢立夏櫻桃竹筍虎丘來
一聲昨夜春歸曲

新綠陰中緩舉杯

送春何處宜絃索
駕月軒中葉正青
譜出十番新曲子
遊人齊簇小樓聽

五月龍舟水神廟
兒郎擊鼓奪標時
波心跳擲如飛燕
自脫紅衫裹鴨兒

六月葑門河兩岸
紅妝隊裏畫船隨
荷花生日人爭看
借問何人見一枝

古寺曝書當六日
縹緗萬卷付娉婷
莫教蹟面殘妝粉

浣卻維摩貝葉經

虎丘待月中秋節
玉管冰絃薄暮過山畔
若教明月上
便愁無地駐笙歌

名園隨意成丘壑
曲水疎花映小巒
一自南垣工累石
假山雪洞更誰看

張南垣工累石不為
假山雪洞而自佳

唐宋丹青初搨帖
名香舊玉古圖章
箇中真贋誰能識
斑剝先教看錦囊

虎丘偶見牡丹市
淺白深紅萬朵開
花史不知花性慣

浪言三月不宜栽

吳市花兒半塘住小山盆景索千錢酒船搖向河隄看
三月家家賣杜鵑

冶遊盡是誰家子雨雨三三占翠微廣袖方袍無箇事
茜紅衫襯薄羅衣

撾鼓一通多逸氣老年白相坐當中四圍絃索清歌遶
爭和襴衡白髮翁

誰家女伴停蘭櫂簾外雙鬟對扇茶卻向綠楊深處泊

小舟窗內一餅花

蛾眉薄命等閒事空把丹青巧擅名小疊香羅兩行字
新詩花月送卿卿

禹廟

禹廟蒼山窟丹楹望若霞百靈紛玉帛萬壑隱龍蛇碑

沒周秦字珪藏日月華神功留海嶽遺跡豈幽遐

禹發
宛委

山石攬得赤珪
如日碧珪如月

南鎮

莫麗同南極優崇比華衡垂旒山影合拄笏海雲生靈
爽尊中土明禋走上卿荆揚達巴蜀萬里荷平成

時遣少

司寇王海
豐致祭

登子招遊秋水園二首

南華別築掩蒼苔菱葉谿橋好溯洄樹是輞川圖裏見
石從海嶽袖中來朱欄路接青山近雪屋窗臨秋水開
便是蓮花方丈客吟同鷗鷺莫相猜

園有小軒題
曰蓮花方丈

田舍漁家老樹傍此中風景近柴桑鑑湖一勺分清沼

禹穴十峰出短牆小艇行隨落葉暗高樓夢入稻花香
山陰古蹟多寥落剩有南谿舊草堂

遊曹山三首

誰削蒼巖曲曲幽雲根千疊覆清流石從斷處纔容榘
峰到奇時盡入樓好鳥自依蘭漿語嘉魚不避畫船遊
平生浪說佳山水對此殊慙檻外鷗

青棘山房小徑東田間瓜葉豆花叢橋連野竹人間到
門閉秋桐路未通片石疎林如北苑遠山低樹似南宮

夕陽原上偏吟望曾住詩人陸放翁

知君不負五湖盟曉露提壺喚客行
筇杖孤情如鶴健
木蘭雙漿學鷗輕山連謝墅峰偏麗
江近曹娥水最清

探盡幽奇稱勝事好將懷抱託秋聲

茲游同范祖生

龍吟山房詩

越州相傳明隆慶中朱金庭賡諸南明大綬羅康洲萬化張陽和元忭同

讀書臥龍山下大風雨夜各祝曰吾輩若皆成狀元則聞龍吟如是龍吟者三朱獨起而祝曰吾作宰相當連吟果連吟者三諸丙辰羅戊辰張辛未俱臚唱第一朱獨秉鈞衡因識其處為

龍吟山房三公皆謚文懿張謚文恭

幾點台星映九重明時發采并儒宗特膺芝宇三孤席
各占蓬山第一峰韋布靈皆鍾獄漬詩書氣可動彫龍
山昏木落蕭蕭夜風雨聽來非暝鐘

聞木厓以六月自都還兼有悼亡之戚詩以懷之

三首

索筆遊京洛驚心往復回祇來摹石鼓猶未到金臺

法駕新臨學溫綸正愛才春明門外路雨雨去鄒枚

與令

返嗣同

半年驢背上念子去來勞路涉五千里霜添幾二毛風
塵新涕淚寒暑舊綈袍春夏黃河水經過值怒濤

悼亡偏客路別語寄天涯操作稱賢婦徽音續大家竟
虛童子案不返少君車痛殺諸雛小啼飢喚阿爺

聞信臣不第卻寄

少年輕遇合容易說封侯白壁猶難獻蒼天何以疇心
枯桃渡月淚盡秣陵秋風雨寒江夢期君在石頭

重陽雨中次宋荅菴韻二首

易聽重陽雨難為秋夜心客懷同磊落詩味任探尋百
感入殘夢孤吟擁素琴空階猶滴瀝何不倦宵深
一雨過重九東籬何處花寒枝香自抱濕葉影偏嘉爲
我開鄉國從君感歲華故園兄弟在摘取帽同斜

將渡錢塘畱別宋荅菴即用前韻

新詩字字擅風騷野鶴孤吟在九臯寺冷儘教看古佛
人間日許對方袍君從鏡水聽秋雨客又錢塘涉怒濤
分得蘭亭箋一幅時將懸腕憶揮毫

同孝儀登吳山

吳越高峰最上頭，天風吹落海波秋。
江橫潮影千層白，樹帶湖光一片幽。
選石數經山畔路，振衣同陟寺西樓。
重陽風雨登臨興，此日攜來續舊遊。

客餘杭寒山舊廬

無數林巒在一丘，家山日日恣探遊。
平橋絕磴穿奇石，古木高枝拂畫樓。
秦望時從青靄見，錢塘秋共白雲流。
花間猶有仙人鶴，清唳霜天起客愁。

客中

黃葉無端遠樹鳴
寒鐙獨抱故園情
經秋客夢俱鄉夢
將曉風聲似雨聲
幾處湖山成浪跡
十年辛苦誤時名
由來骨肉人間重
卻比鴻毛一樣輕

十月十五日有懷玉青客山陰時予寓居錢塘

憐君何事嘆浮家
高誼爲予遠泛槎
千里江船同雨雪
一年春事負鶯花
客中離別情偏苦
霜後淒清路轉賒
共子錢塘居兩岸
暮潮聲裏即天涯

與孫紫奇觴詠之暇因贈長句

錢塘如帶遶庭前第一峰高畫閣連磊落人真如白鶴
蕭涼詩亦似朱絃鐙前細聽秋宵雨石上同吟夕照天
我向冷泉亭畔遇許君風味足纏綿

同友人登吳山鍾翠亭

諸峰誰第一爲我問山靈石影立孤鶴江光抱小亭潮
過邨樹沒天接海雲青散髮同吾子狂歌入杳冥

湖海

湖海凋青鬢，貧無骨肉歡。
別離人共老，世路客逾難。
月皎愁牕白，秋深怯簟寒。
錢塘千里隔，無計問平安。

憶兄弟五首

少小垂髫日，棠花相映開。
那知離別苦，都逐壯年來。
湖海詩空滿，風塵鬢易催。
山亭梅未放，曾記一裴回。

猶是披裘出，秋風白葛斜。
一爲經歲客，開徧故園花。
破艇頻移屋，支機遠泛槎。
江天春浪後，風雪別吾家。

城隅臨水閣，一夜芰荷開。
文鯉銜書至，幽禽喚客來。
露

金史已見人言
華芳草徑雪藕晚涼梧澄對軒中事游人最溯洄

澄對
軒在

勺園
中

荷勸兄與弟湖上晚偏幽水國魚蝦市山田秫稻秋遲
歸慙候鴈浪跡比輕鷗江海無知己何心別故疇

廿載謀丘壠山靈識此心清谿驢背穩黃葉履痕深秋
氣生涼雨霜天脫茂林遙知圖五嶽屢徧故山岑

滯京口

何事栖栖苦京江雨雪行千艘爭帶水萬櫓雜雞聲睡

爲鄉心減身從客路輕低徊三十載潦倒悟浮生

夜從京口至燕子磯

好風那忍泊深夜客還驚鐙照空江水心孤遠浪聲煙
深十嶂沒雲薄數星明京口過宏濟輕帆百里行

巢湖曉行二首

客程貪蚤發水驛傍湖西煙草分鞭影霜華沒馬蹄寒
深天欲曙光減月初低底事勞勞苦含淒泣路迷

客心殘夢裏潦倒出柴門人語寒相答星稀光乍昏谿

流尋馬跡沙路認潮痕莫更嗟行役明朝是故園

與信臣

一夕故人話何來此客窓翦燈憐舊影聽雨在春江清
夢畱僧榻高吟動佛幢竹邊臨斷岸深夜水淙淙

擬古四時別詞十二首

離愁最是怯春寒南浦冰稜去路難夢到梅花舊書屋
蓬窓一夜雪漫漫

門掩春融石徑斜主人何事逐天涯暖風昨夜霏微雨

開徧牆頭山杏花

黃鶯啼過海棠紅
粉蝶雙穿勻藥叢
君似柳絲垂舊樹
我如飛絮入東風

雨過園林綠映眉
幾枝新笋出陽陂
青梅漸長櫻桃熟
稚子牽來初摘時

白葛衣單受好風
清陰山路入雙桐
窻間無意搖團扇
吹落榴花滿地紅

荷葉荷花覆幾層
苦心蓮子恨難勝
漫疑六月全無暑

金史已入人言
小閣匡牀簟似冰

曾當七夕賦新詩
吟向雙星斂拜時
此際莫教重記憶
恐驚秋色入蛾眉

露下空庭試薄寒
桂香深夜倚闌干
一般秋月圓如鏡
獨向山陰水閣看

暮潮聲裏渡錢塘
越水吳山路轉長
前日書中曾有約
誤教屈指到重陽

人在西冷黃葉飛
閒箱重疊去時衣
經秋客子無消息

誰識天涯歸未歸

一夜河流凍未開
客心何事苦裴回
多情雪片如相約
又向蘭陵道上來

聽我清商苦調歌
四時花信付煙波
漫將詩寫離人恨
詩思爭如別思多



文端集卷十五